

Na osnovu člana 48. stav (5) Zakona o državnoj službi u Tuzlanskom kantonu („Službene novine TK“, broj: 7/17, 10/17, 10/18, 14/18 i 8/21), člana 34. Zakona o radu („Sl. novine FBiH“, broj: 26/16 i 89/18), te člana 1. Odluke o raspisivanju Javnog poziva za prijem lica na stručno osposobljavanje bez zasnivanja radnog odnosa u službe za upravu i stručne službe Grada Tuzle, broj: 02/30-A-2274-2022 od 10.02.2022. godine, Gradonačelnik Grada Tuzle objavljuje

JAVNI POZIV

za prijem lica na stručno osposobljavanje bez zasnivanja radnog odnosa u službe za upravu i stručne službe Grada Tuzle

I. Naziv pozicije:

1. Lice sa VSS/VII stepenom stručne spreme ili visokim obrazovanjem prvog, drugog ili trećeg ciklusa Bolonjskog sistema studiranja koji se vrednuje sa najmanje 180 ECTS bodova – pravne ili upravne struke 4 izvršioca.
2. Lice sa VSS/VII stepenom stručne spreme ili visokim obrazovanjem prvog, drugog ili trećeg ciklusa Bolonjskog sistema studiranja koji se vrednuje sa najmanje 180 ECTS bodova – ekonomske struke 3 izvršioca.
3. Lice sa VSS/VII stepenom stručne spreme ili visokim obrazovanjem prvog, drugog ili trećeg ciklusa Bolonjskog sistema studiranja koji se vrednuje sa najmanje 180 ECTS bodova – saobraćajne struke (drumski saobraćaj) 1 izvršilac.
4. Lice sa VSS/VII stepenom stručne spreme ili visokim obrazovanjem prvog, drugog ili trećeg ciklusa Bolonjskog sistema studiranja koji se vrednuje sa najmanje 180 ECTS bodova – agronomске struke 1 izvršilac.
5. Lice sa VSS/VII stepenom stručne spreme ili visokim obrazovanjem prvog, drugog ili trećeg ciklusa Bolonjskog sistema studiranja koji se vrednuje sa najmanje 180 ECTS bodova – filološke struke (anglistika) 1 izvršilac.

II. Opći uslovi:

Kandidati moraju ispunjavati sljedeće opće uslove:

1. Da su državljani Bosne i Hercegovine,
2. Da su stariji od 18 godina,
3. Da su zdravstveno sposobni za obavljanje posla za koji se kandiduju,
4. Da se na njih ne odnosi član IX.1. Ustava Bosne i Hercegovine.

III. Posebni uslovi:

Pored općih uslova, kandidati moraju ispunjavati i sljedeći poseban uslov:

Za poziciju 1:

- završen studij za sticanje visoke stručne spreme - VII stepen, odnosno najmanje I ciklus studija po bolonjskom sistemu studiranja sa ostvarenih najmanje 180 ECTS bodova – pravne ili upravne struke.

Za poziciju 2:

- završen studij za sticanje visoke stručne spreme - VII stepen, odnosno najmanje I ciklus studija po bolonjskom sistemu studiranja sa ostvarenih najmanje 180 ECTS bodova – ekonomske struke.

Za poziciju 3:

- završen studij za sticanje visoke stručne spreme - VII stepen, odnosno najmanje I ciklus studija po bolonjskom sistemu studiranja sa ostvarenih najmanje 180 ECTS bodova – saobraćajne struke (drumski saobraćaj).

Za poziciju 4:

- završen studij za sticanje visoke stručne spreme - VII stepen, odnosno najmanje I ciklus studija po bolonjskom sistemu studiranja sa ostvarenih najmanje 180 ECTS bodova – agronomske struke.

Za poziciju 5:

- završen studij za sticanje visoke stručne spreme - VII stepen, odnosno najmanje I ciklus studija po bolonjskom sistemu studiranja sa ostvarenih najmanje 180 ECTS bodova – filološke struke (anglistika).

IV. Spisak potrebnih dokumenata:

1. Popunjen prijavni obrazac (Prijavni obrazac kandidati mogu preuzeti na internet stranici Grada Tuzla – <http://grad.tuzla.ba/>),
2. Dokaz o završenom obrazovanju;
Univerzitetska diploma ili druge obrazovne ili akademske kvalifikacije najmanje VII stepena stručne spreme, odnosno visoko obrazovanje prvog, drugog ili trećeg ciklusa Bolonjskog sistema studiranja koji se vrednuje sa najmanje 180 ECTS bodova,
3. Dokaz o ostvarenom prosjeku ocjena cjelokupnog završenog studija na fakultetu, (prosjek ocjena svih studijskih godina),
4. Uvjerenje da je lice prijavljeno na evidenciju kod Službe za zapošljavanje sa VII stepenom stručne spreme, odnosno visokim obrazovanjem prvog, drugog ili trećeg ciklusa studija po Bolonjskom sistemu studiranja koji se vrednuje sa najmanje 180 ECTS bodova (Uvjerenje treba biti izdato nakon objavljivanja Javnog poziva),
5. Dokaz o utvrđenom stepenu invalidnosti (za kandidate kod kojih postoji utvrđen stepen invalidnosti od 60% i više),
6. Dokaz o pripadnosti branilačkoj populaciji (dokazi izdati od općinskih/gradskih organa nadležnih za boračko-invalidsku zaštitu ili nadležnih organa za vojne evidencije - odjeljenje odbrane).

Dokumenti koji se prilažu uz prijavu moraju biti **u originalu ili ovjerenoj fotokopiji**.

Ostale dokumente kojima se dokazuje ispunjavanje općih uslova javnog poziva izabrani kandidati su dužni dostaviti u roku od 8 (osam) dana od dana prijema obavještenja o rezultatima javnog poziva.

V. Ostale napomene:

Pravo prijave na javni poziv imaju lica koja poslije završenog visokog obrazovanja – VII stepena stručne spreme, odnosno visoko obrazovanje prvog, drugog ili trećeg ciklusa Bolonjskog sistema studiranja koji se vrednuje sa najmanje 180 ECTS bodova i koja nemaju uopće ili nemaju dovoljno radnog iskustva u struci neophodnog za samostalan rad i polaganje stručnog ispita i koja su prijavljena na evidenciju kod Službe za zapošljavanje.

Prijem lica na stručno osposobljavanje bez zasnivanja radnog odnosa vrši se na određeno vrijeme u trajanju najduže do 12 mjeseci.

Postupak izbora prijavljenih kandidata, koji ispunjavaju uslove iz Javnog poziva za prijem lica na stručno osposobljavanje bez zasnivanja radnog odnosa (u daljem tekstu: Javni poziv) izvršit će se na osnovu kriterija utvrđenih Odlukom o raspisivanju Javnog poziva za prijem lica na stručno osposobljavanje bez zasnivanja radnog odnosa u službe za upravu i stručne službe Grada Tuzle, broj: 02/30-A-2274-2022 od 10.02.2022. godine (dostupno na <http://grad.tuzla.ba/>).

Svi kandidati koji dostave potpunu dokumentaciju i time dokažu ispunjavanje uslova utvrđenih u Javnom pozivu bit će pozvani da pristupe intervjuu.

Prijem lica na stručno osposobljavanje bez zasnivanja radnog odnosa izvršit će se iz reda kandidata koji primjenom kriterija ostvare najveći broj bodova i sa njima će biti zaključen ugovor o stručnom osposobljavanju u skladu sa Zakonom o radu („Sl. novine FBiH“, broj: 26/16 i 89/18).

Sa izabranim kandidatima koji su stekli određeno radno iskustvo kod drugih pravnih subjekata, a kraće od 12 mjeseci, ugovor o stručnom osposobljavanju bit će zaključen na period koji nedostaje do navršavanja 12 mjeseci radnog iskustva kandidata.

O izvršenom izboru svi kandidati će biti obaviješteni putem zvanične internet stranice Grada Tuzla.

VI. Rok i mjesto za podnošenje prijave:

Prijave sa traženom dokumentacijom dostaviti u roku od 15 (petnaest) dana od dana objavljivanja javnog poziva na zvaničnoj internet stranici Grada Tuzla.

Prijave na javni poziv na propisanom obrascu sa traženom dokumentacijom dostaviti lično putem pisarnice Grada Tuzla (Centar za pružanje usluga građanima) ili preporučenom pošiljkom na adresu:

GRAD TUZLA
Stručna služba za poslove gradonačelnika
ZAVNOBIH-a broj 11
75000 Tuzla

sa naznakom:

„Prijava na Javni poziv za prijem lica na stručno osposobljavanje bez zasnivanja radnog odnosa u službe za upravu i stručne službe Grada Tuzle, broj: 02/30-A-2274-2022 - ne otvaraj“

Dodatne informacije mogu se dobiti na brojeve telefona: 035/307-417 i 035/307-416.

Nepotpune i neblagovremene prijave neće biti uzete u razmatranje.